

են (արարեալ): Եւ վէզիրն իմացեալ զբանն՝ չուտ
 և փութանակի մտեալ ի թագաւորն, և արար խոր-
 հուրդ ընդ մեծամեծս եէնկիւնէրոյն՝ առնելով զկամս
 նոցա, և նոքա ոչ եղան ընդ նոսա, այլ մնացին նո-
 քա ի միջտեղ ցրեալք իւրաքանչիւր տեղիսն: Եւ
 ոյք կային ի ներսն առ վէզիրն մեծամեծացն ըսպա-
 հոցն՝ իբր թէ չիք ի մեղս լինելով, և յոյր վերայ ե-
 հաս կարծիք՝ զնոսա կապեալ և եսպան և ձգեաց ար-
 տաքս: Եւ ի Շաբաթի (27 Դէկտ.) զիշերիս ևս, և ի
 Կիրակիս (28 Դէկտ.):

Եւ Բշիս (29 Դէկտ.) որ է բարեկենդան Մննդեան
 Տեառն մերոյ, ի պալատէ թագաւորին զբազումս սպա-
 նեալ(*) և ի ծովն արկեալ և ի թօփչոց մեծամեծացն
 և ի ճէպէճոցն(**) և սպահիւար աղասոցն և ի մէհ-
 թէրիցն(***) մեծամեծաց եւ յեէնկիւնէրոցն(****) եւս
 որք կային յայնմ խորհրդեան, զայսոսիկ զամենեսեան
 սպանեալ և ի դուրս ձգեալ և զոմանս ծովահեղձ ա-
 րարեալ: Եւ որք ունէին կարծիս այսմ բանի՝ փա-
 խեալ կորեան, և դեռ ևս յուզեալ որոնեն արարեալ
 տէֆուէր¹⁾ ձէ ոգի ի մեծամեծացն եւ ի նշանաւոր ա-
 րանցն(*****), և զխանն Աթմէյտանի փակեալ եւ ի
 դուրս հանեալ զմիջի եղեալ սպահիւքն, և զԱյասօֆի
 խանքն և ի մէջ քաղաքիս որչափ կայր՝ զամենեսեան
 փակեցին և ի դուրս հանեցին զսպահիւքն, և զղահ-
 վէխանէքն զամենայն փակեալ, եւ մուկնեալին աղա-
 զակեալ թէ Ամէն մարդ իւր կերպարանաւն կենայ,
 եւ ըռայայքն զիւրեանց²⁾ կերպարանն զգենուեն³⁾:

1) տէվթէր.

2) զիւր.

3) զգենու.

(*) Լուս. զիւրիֆլի պալթաճիք:

(**) ֆեհեան:

(***) ֆեօրն և Ձալլիսն:

(****) զԱլակեօզն:

(*****) Լուս. օսար գրչէ. որ է էսնաֆ ալային: